

## **Eskoriatzako merkataritza, ostalaritza eta zerbitzu establezimenduetarako erosketa-bonuak erabiltzeko oinarriak**

### **ATARIKOA**

2020ko martxoaren 17an Eskoriatzako Udalaren 2020-2023 Dirulaguntzen Plan Estrategikoa onartu zen, eta Udalbatzarrak 2022ko abenduaren 20ko Osoko Bilkuran hartutako erabakiaren bidez eguneratuta dago. Plan horretan ildo estrategikoak jasotzen dira, eta horietako zazpigarrena "sustapen ekonomikoa eta soziala" izenekoa da.

Lerro honen D ekintza Eskoriatzako merkataritza, ostalaritza eta zerbitzu establezimenduetarako erosketa bonuak dira. Helburua, egungo egoera ekonomikoak kaltetutako herriko merkataritza, ostalaritza eta zerbitzu establezimenduetan gastatzeko bonuak ateratzea da. Horrela, herrian kontsumitzea sustatuko da eta egungo egoera ekonomikoa arintzen lagunduko da.

Erosketa bonu hauek "Eskoriatza bizirik" ekimenaren baitan sartzen dira, sektorea biziberritzeko, herritarrak erosketak herrian egitera animatzeko eta guztion artean Eskoriatzako kaleak bizirik mantendu ahal izateko helburua baitute.

### **1. Artikulua. Helburua.**

Deialdi honen xedea da herritarrei, erosketa-bonu bidez, kontsumo-ondasunak eta zerbitzuak erosteko dirulaguntzak arautzea, eta ekimen berari atxikitako establezimenduek ekimenean parte hartzeko baldintzak arautzea.

### **2. artikulua. Erregimen juridikoa.**

Deialdi hau ondorengo arauak arautzen dute:

- Oinarri hauek.
- Eskoriatzako Udalak dirulaguntzak emateko erregimena arautzeko ordenantza orokorrak.
- 39/2015 Legeak, Administrazio Publikoen Administrazio Prozedura Erkidearenak.
- Dirulaguntzei buruzko azaroaren 17ko 38/2003 Lege Orokorrak (Estatuko Boletín Ofiziala: 2003-11-18) eta lege hori garatzeko uztailaren 21eko 887/2006 Errege dekretuz onartutako Dirulaguntzei buruzko Erregelamendu Orokorrak.
- Euskadiko Toki Erakundeei buruzko apirilaren 7ko 2/2016 Legeak, eta, zehazki, 17.25 artikulua, honako hau jasotzen duena udalerrien eskumen propioetatik: "Tokiko ekonomia- eta gizarte-garapena eta tokiko enplegu-politikak edo -planak".

Araudi honetan jaso ez diren alderdi guztietan, Dirulaguntzei buruzko 38/2003 Lege Orokorra eta indarrean dauden gainerako legeak aplikatuko dira.

### **3. artikulua. Aurrekontu kreditua.**

**URL** <https://uzt.gipuzkoa.eus/PortalV/r/eu/34/AAAACD6MS.8eE6>



Aurrekontu-esleipena hogeita bost mila eurokoa (25.000,00 euro) izango da, eta 2023ko honako aurrekontu-aplikazioaren kargura finantzatuko da: 0500.480.431.00.01

Eman beharreko laguntzen zenbateko osoa ez da adierazitako kontsignazioa baino handiagoa izango.

#### **4. artikulua. Onuradunak.**

Oinarri honetan aurreikusitako kanpainaren onuradunak bi motatakoak izango dira:

- Egoitza soziala Eskoriatzan duten merkataritza, ostalaritza eta zerbitzu establezimenduen titular diren pertsona fisikoak eta juridikoak, loteria eta bestelako joko establezimenduetakoak, farmazietakoak eta estankoetakoak, salbu.
- Eskoriatzako establezimendu edo dendetan ondasun edo zerbitzuren bat erosteko bonuak erabiltzen dituzten herritarrak.

#### **5. artikulua. Onuradunek bete beharreko baldintzak.**

Onuradunek ondorengo baldintzak bete beharko dituzte:

Merkataritza, ostalaritza eta zerbitzu establezimenduen kasuan,

- Jardueraren helburu nagusia kontsumitzaileari kontsumo produktuak eta zerbitzuak zuzenean saltzea izatea.
- Ogasunarekin eta Gizarte Segurantzarekin zerga betebeharrak egunean izatea.
- Eskoriatzako udalarekin zorrik ez izatea.

Norbanakoen kasuan,

- Eskoriatzan errolatuta egotea.
- Adinez nagusia izatea.

#### **6. artikulua. Diruz lagun daitezkeen gastuak.**

6.1 Deialdi honen ondorioetarako honako hauek jotzen dira diruz lagundu daitezkeen gastuak:

- 9. artikuluan jasotako Eskoriatzako establezimendu edo saltokiren batean egiten diren erosketak.

6.2 Dirulaguntzen zenbatekoa:

-Erosketa bonu bakoitzak 30 €-ko balioa izango du (5 €-ko bonuetan zatigarria), eta onuradun den herritar bakoitzak 20 €-tan erosiko ditu; beraz, 30 €-ko balioa duten produktu edo zerbitzuak eskuratuko ditu, baina 20 € bakarrik ordainduta. Erosketa bonu bakoitzaren 10 €-ko aldea Eskoriatzako Udalak jarriko du.

#### **7. artikulua. Parte hartuko duten saltokien betebeharrak.**

Eskoriatzan "Eskoriatza bizirik" bonuen kanpainan parte hartuko duten saltokien betebeharrak hauek izango dira:

**URL** <https://uzt.gipuzkoa.eus/PortaV/r/eu/34/AAAACD6MS.8eE6>



- Atxikitzen diren saltokietako arduradunek, jasotako bonuari erosketa tiketa atxikitu beharko diote, eta, ondoren, likidazioa egiteko inprimakia bete. Inprimakia, bonuarekin eta fakturarekin batera, Udal erregistroan aurkeztu beharko dute gutun azal itxi batean.
- Erosketa bonuen erabiltzaileei ez zaie itzuliko erosketaren eta erosketa bonuaren balioaren arteko diferentzia.
- Erosketa bonuen bidez erositako ondasunen itzulketa politikari dagokionez, saltoki bakoitzak zehaztuko du noiz eta nola egin itzulketa. Halere, erosketa bonuarekin eskuratutako produktua itzultzen bada, ez da eskudirutan itzuliko. Aitzitik, saltoki bereko beste produktu batekin ordezkaturiko da, edo erosleak ordaindutako zenbatekoa eskudirutan ordainduko zaio; kasu horretan, erosketa bonuen deuseztapenaren berri eman beharko da, eta jasotako zenbatekoa itzuli beharko du saltokiak.

## **8. artikulua. Laguntzen izaera.**

Programa honen esparruan ematen diren laguntzak itzuli beharrik gabeko dirulaguntzat hartuko dira.

## **9. artikulua. Atxikitutako saltokiak.**

Atxikitutako saltokiak izango dira oinarri hauetan araututako bonuen bitartez ondasun edo zerbitzuak erosteko aukera ematen duten Eskoriatzako merkataritza, zerbitzu, ostalaritza eta jatetxe establezimendu guztiak.

Udalarekin zorrak dituzten establezimenduak ezin izango dira atxiki, zorra zatikatzea eskatu eta eman ez bazaie behintzat.

Atxikitutako establezimenduen zerrenda, jendartean zabaldu eta jakite aldera, Eskoriatzako Udaleko webgunean argitaratuko da.

Ez zaie inolako zenbatekorik ordainduko atxikita ez dauden establezimenduei.

## **10. artikulua. Atxikitutako establezimenduei ordaintzeko epeak.**

Udalak establezimenduetako arduradunek igorritako likidazio inprimakia, fakturak eta bonuak jaso eta aztertuko ditu. Guztia zuzena bada, bi asteko epean egingo du ordainketa.

Ordainketa bankuko transferentzia bidez egingo da.

Bonuen zuriaketa egiteko azken eguna 2023ko azaroaren 15a izango da.

## **11. artikulua. Dirulaguntzen indarraldia eta kanpainaren egutegia.**

1. PROGRAMARI BURUZKO INFORMAZIO KANPAINA: Eskoriatza Bizirik bonuen kanpainaren inguruko informazioa helaraziko da, alde batetik, bonuak erabiliko dituzten komertzioei eta jardura ekonomikoei, eta, bestetik, herritarrei.
2. Eskoriatzako merkataritza, ostalaritza eta zerbitzu establezimenduak atxikitzeko epea: 2023ko martxoaren 13tik aurrera eta kanpainak irauten duen bitartean. Atxikitzen diren establezimenduek "Eskoriatza Bizirik" pegatina bat izango dute ikusgai.
3. BONUEN SALMENTA:

**URL** <https://uzt.gipuzkoa.eus/PortalV/r/eu/34/AAAACD6MS.8eE6>



- Lekua: Ibarraundi museoa.
  - 2023ko martxoaren 27tik apirilaren 5era.  
Astelehenetik ostegunera, 10:00-13:00 eta 17:00-19:00, eta, ostiraletan, 10:00-13:00.
  - 2023ko apirilaren 11tik aurrera (bonuak agortu arte).  
Asteartetan 10:00-13:00
  - Txartelarekin bakarrik ordaindu ahal izango da.
  - Adinez nagusia den eskoriatzar bakoitzak (Eskoriatzan erroldatuta egon beharko da), bonu bana eskuratzeko aukera izango du. Hori bermatzeko, bonuak erosterakoan ezinbestekoa izango da NAN-zenbakia ematea.
  - Salbuespen gisa, nahiz eta ordutegi horretan bonuak erosteko aukerarik ez eduki, nahi duenak bonuak erosi ahal izango dituela bermatzeko, bere NANA beste pertsona bati utzi ahal dio eta horrek erosi. Horrela, pertsona bakoitzak asko jota **bi** bonu erosi ahal izango ditu.
  - Maiatzaren 26rako ez badira bonuak agortu, maiatzaren 29an bigarren fase bat irekiko da, eta bonuak berriro eskuratzeko aukera egongo da.
4. Guztira 2.500 bonu salduko dira.
  5. Eskoriatzan kontsumitzeko erosketak bonuak, ordainketa modu gisa, Eskoriatzako udalerrian eta atxikitutako saltokietan bakarrik erabiliko dira.
  6. Erosketak bonuak martxoaren 27tik urriaren 31ra erabili ahal izango dira. Epe hori igarota ez da erosketak bonurik onartuko.
  7. Kanpainari atxikitutako establezimenduek edozein momentutan aurkeztu ahal izango dituzte ordainketa jasotzeko agiriak udaletxeko erregistroan.

## **12. artikulua. Ikuskatzea eta ez-betetzeak.**

Eskoriatzako Udalak, programaren arduradun den heinean, egokitzen jotzen dituen egiaztapen, ikuskapen et gainerako kontrol guztiak egin ahal izango ditu baliabide publikoak ondo erabiliko direla eta laguntza programa hau modu egokian garatu eta aplikatuko dela ziurtatzeko.

Atxikitako establezimenduek ez-betetzereen bat eginez gero, Eskoriatzako Udalak erosketak bonuen programara duten atxikimendua bertan behera utz dezake eta ez-betetzereen ondoriozko neurriak aplikatu.

Atxikitako establezimenduak behartuta daude Eskoriatzako Udalak laguntzen zertarako fiskalizatzeko eskatzen dien informazio guztia ematera.

## **13. artikulua. Espedientearen instrukzioa.**

Dirulaguntza hauen instruktorea Ekonomia Garapen arloko teknikaria izango da.

## **14. artikulua. Oinarriak interpretatzea.**

Oinarri hauen interpretazioaren inguruan sor daitezkeen zalantzak oinarri hauek onartzeko eskumena duen organoak erabakiko ditu, Ekonomia Garapen Jasangarrirako batzorde informatzaileak txostena egin ondoren, hala badagokio.

**URL** <https://uzt.gipuzkoa.eus/PortaIV/r/eu/34/AAAACD6MS.8eE6>